



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-894/24-I
Brčko, 10.05.2024. godine

Z A P I S N I K
sa 257. sjednice Pravosudne komisije Brčko distrikta BiH
održane 10.05.2024. godine, u 08,30 sati sa slijedećim

Dnevni m redom

1. Usvajanje zapisnika sa 256. redovne i 115. vanredne sjednice Pravosudne komisije Brčko distrikta BiH
2. Razmatranje mišljenja VSTV-a BiH na prijedlog Zakona o izmjenama i dopunama Zakona o platama i drugim naknadama sudija i tužilaca u Brčko distriktu Bosne i Hercegovine
(izvjestilac: Rade Mitrović)
3. Inicijativa za pokretanje mehanizma za donošenje nacрта posebnog propisa u skladu sa članom 7. Zakona o izmjenama i dopunama KZ BD BiH
(izvjestilac: Rade Mitrović)
4. Žalba V. D. na rješenje predsjednika Apelacionog suda Brčko distrikta BiH broj: 097-0-Su-20-000100 i predsjednika Osnovnog suda Brčko distrikta BiH broj: 096-0-Su-20-000476 od 15.03.2024. godine
(izvjestilac: Rade Mitrović)
5. Prijedlog za dopunu plana za polaganje ispita u 2024. godini
(izvjestilac: Rade Mitrović)
6. Donošenje Odluke izmjeni Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH broj SuPK-00-423/23-I od 28.02.2023. godine
(izvjestilac: Rade Mitrović)
7. Nominacija člana i zamjenskog člana ispred Pravosudne komisije u svrhu pripreme Odluke o imenovanju radne grupe na nivou Brčko distrikta BiH, s ciljem postizanja boljeg kvaliteta i veće učinkovitosti u prevenciji, pomoći, zaštiti i postupanju u slučaju društveno neprihvatljivih oblika ponašanja maloljetnika u zajednici
(izvjestilac: Rade Mitrović)
8. Verifikacija nominacije članova u RG za uspostavu registra stvarnih vlasnika u Brčko distriktu BiH
(izvjestilac: Rade Mitrović)
9. Molba Radne grupe za produženje roka za izradu prijedloga Zakona o izmjenama i dopunama Zakona o Pravobranilaštvu
(izvjestilac: Rade Mitrović)
10. Razmatranje radno pravnog statusa Milana Stokića i Semrine Hasanović, referent-operatera-asistenata u Osnovnom sudu Brčko distrikta BiH
(izvjestilac: Rade Mitrović)

11. Usvajanje izvještaja o realizovanoj edukaciji na temu „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH“ i donošenje odluke o isplati naknade za održanu edukaciju edukatoru
(izvjestilac: Rade Mitrović)
12. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Rade Mitrović)
13. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-674/24-I od 05.04.2024. godine
(izvjestilac: Rade Mitrović)
14. Verifikacija Javnog poziva, broj: SuPK-06-601/24-II od 12.04.2024. godine
(izvjestilac: Rade Mitrović)
15. Verifikacija rješenja o prestanku radnog odnosa Mirsadu Fazliću, kuriru u Osnovnom sudu Brčko distrikta BiH
(izvjestilac: Rade Mitrović)
16. Informacija o prijavama na Javni poziv, broj: SuPK-06-601/24-II od 12.04.2024. godine
(izvjestilac: Rade Mitrović)
17. Molba za pomilovanje Č. D.
(izvjestilac: Rade Mitrović)
18. Usvajanje zaključnog izvještaja o obavljenom radu za opšte dobro na slobodi osuđenog A. Dž.
(izvjestilac: Rade Mitrović)
19. Razno

PRISUTNI SU:

1. SAFET PIZOVIĆ, predsjednik Komisije,
2. DAMJAN KAURINOVIĆ, predsjednik Apelacionog suda Brčko distrikta BiH,
3. ZEKERIJA MUJKANOVIC, glavni tužilac u Tužilaštvu Brčko distrikta BiH,
4. DEJAN ĐUROVIĆ, pravobranilac u Pravobranilaštvu Brčko distrikta BiH,
5. MIRSAD ĆEMAN, potpredsjednik Ustavnog suda BiH, putem telefonske veze,
6. MEHMED BEĆIĆ, član Komisije iz reda građana, putem telefonske veze,
7. MILIVOJE VASIĆ, član Komisije iz reda građana.

Sjednica počela u 08,37 sati.

Konstatuje se da sjednici prisustvuje sedam članova Komisije, i da je Dragan Tomaš, predsjednik Osnovnog suda BD BiH opravdano odsutan.

Sjednici prisustvuje i sekretar Komisije, Rade Mitrović.

Predsjednik Komisije otvara 257. redovnu sjednicu Pravosudne komisije s predloženim dnevnim redom, s tim što predlaže da se isti dopuni na način da se iza predložene tačke 13. dodaje 5. novih tačaka i to: 14, 15, 16, 17, i 18. koje glase: „14.Donošenje odluke o imenovanju sudskog policajca u Sudskoj policiji Brčko distrikta BiH“, „15.Donošenje odluke o imenovanju operatera

asistenta u Tužilaštvu Brčko distrikta BiH“, „16. Donošenje odluke o imenovanju arhivara – operatera u Kancelariji za pravnu pomoć Brčko distrikta BiH“, „17. Donošenje odluke o imenovanju pripravnika u Kancelariji za pravnu pomoć Brčko distrikta BiH“, i „18. Donošenje rješenja o raskidu ugovora o volonterskom radu sa Milanom Torlaković, volonterom u Osnovnom sudu“.

Zatim, iza nove tačke 22. dodaje se nova tačka 23. koja glasi: „23. Molba za pomilovanje E. Č.“, i iza nove tačke 24. dodaje se nova tačka 25. koja glasi: „25. Davanje saglasnosti o vrsti i visini nagrade u odluci o nagrađivanju službenika i namještenika u Pravosudnoj komisiji Brčko distrikta BiH“.

Slijedom predloženih dopuna, numeracija tačaka se pomjera, tako da tačka Razno postaje tačka broj 26.

Konstatuje se da je predloženi i dopunjeni dnevni red usvojeni sa 6 glasova „za“ i 1 suzdržanim glasom. U pogledu tačke 25. Dejan Đurović, pravobranilac i potpredsjednik Komisije je iznio dilemu u vezi tačke 25. gdje predlaže da se navedena tačka skine sa dnevnog reda i zaduži Stručna služba Komisije da za sledeću sjednicu izvrši analizu i dostavi detaljno obrazloženje za predmetnu tačku.

Prelazi se na prvu tačku dnevnog reda.

1. Usvajanje zapisnika sa 256. redovne i 115. vanredne sjednice Pravosudne komisije Brčko distrikta BiH

Konstatuje se da je zapisnici sa 256. redovne i 115. vanredne sjednice Komisije usvojeni jednoglasno, bez primjedbi.

2. Razmatranje mišljenja VSTV-a BiH na prijedlog Zakona o izmjenama i dopunama Zakona o platama i drugim naknadama sudija i tužilaca u Brčko distriktu Bosne i Hercegovine

Sekretar Komisije je ukratko izložio mišljenje VSTV-a BiH na prijedlog Zakona o izmjenama i dopunama Zakona o platama i drugim naknadama sudija i tužilaca u Brčko distriktu Bosne i Hercegovine, broj: 08-02-1-1406-2/2024 od 22.04.2024. godine.

Nakon toga, sekretar Komisije je izložio i mišljenje sa sastanka Radne grupe za izradu prijedloga Zakona o izmjenama i dopunama Zakona o platama i drugim naknadama sudija i tužilaca u Brčko distriktu BiH održanog dana 25.04.2024. godine, koja je, između ostalog takođe razmatrala predmetni dopisi VSTV-a BiH.

Nakon obrazloženja i provedene diskusije, konstatuje se da je Komisija jednoglasno prihvatila mišljenje Radne grupe za izradu prijedloga Zakona o izmjenama i dopunama Zakona o platama i drugim naknadama sudija i tužilaca u Brčko distriktu BiH, te utvrdila da se u skladu sa provedenom diskusijom i sugestijama na sjednici Komisije isto uvrsti u prijedlog predmetnog Zakona te da se prijedlog Zakona o izmjenama i dopunama Zakona o platama i drugim naknadama sudija i tužilaca u Brčko distriktu Bosne i Hercegovine uputi u Skupštinsku proceduru usvajanja.

3. Inicijativa za pokretanje mehanizma za donošenje nacrtu posebnog propisa u skladu sa članom 7. Zakona o izmjenama i dopunama KZ BD BiH

Nakon obrazloženja i provedene diskusije, konstatuje se da je Komisija jednoglasno donijela

Odluku

O formiranju Radne grupe za izradu prijedloga Zakona o posebnom registru lica pravosnažno osuđenih za krivična djela učinjena na štetu spolnog integriteta djeteta u Brčko distrikta BiH, u sastavu:

1. Srđan Nedić, sudija Apelacionog suda Brčko distrikta BiH, predsjednik,
2. Nebojša Savić, sudija Osnovnog suda Brčko distrikta BiH, član,
3. Gordana Radovanović, tužilac Tužilaštva Brčko distrikta BiH, član,
4. Majda Mustedanović, stručni savjetnik za pravne poslove u Kabinetu šefa Policije Brčko distrikta BiH, član i
5. Merima Mujkić, stručni saradnik za pravne poslove i evropske integracije u Pravosudnoj komisiji Brčko distrikta BiH.

Radna grupa je dužna da svoj rad organizuje u toku radnog vremena.

Radna grupa je dužna u skladu sa Odlukom o proceduri i izradi propisa iz nadležnosti Pravosudne komisije („Službeni glasnik BD BiH, broj: 49/14), svoj zadatak izvršiti u periodu od 3 (tri) mjeseca, odnosno od 10.05.2024. godine do 10.08.2024. godine.

4. Žalba V. D. na rješenje predsjednika Apelacionog suda Brčko distrikta BiH broj: 097-0-Su-20-000100 i predsjednika Osnovnog suda Brčko distrikta BiH broj: 096-0-Su-20-000476 od 15.03.2024. godine

Konstatuje se da predsjednik Apelacionog suda Brčko distrikta BiH izuzima o razmatranju i odlučivanju po ovoj tački.

Nakon obrazloženja, Komisija je jednoglasno donijela sljedeće

Rješenje

Žalba V. D., izjavljena protiv rješenja predsjednika Apelacionog suda Brčko distrikta BiH broj: 097-0-Su-20-000100 i predsjednika Osnovnog suda Brčko distrikta BiH broj: 096-0-Su-20-000476 od 15.03.2024. godine, se odbija kao neosnovana.

Konstatuje se da se predsjednik Apelacionog suda Brčko distrikta BiH ponovno uključio u rad sjednice.

5. Prijedlog za dopunu plana za polaganje ispita u 2024. godini

Nakon obrazloženja, konstatuje se da je Komisija jednoglasno usvojila prijedlog za dopunu plana za polaganje ispita u 2024. godini.

6. Donošenje Odluke izmjeni Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH broj SuPK-00-423/23-I od 28.02.2023. godine

Konstatuje se da je u 09,19 sati sjednicu napustio Dejan Đurović, te se u 09,20 sati vratio u salu za sjednice.

Nakon obrazloženja, konstatuje se da je Komisija jednoglasno donijela

Odluku o izmjeni Odluke o imenovanju disciplinskog tužioca i zamjenika disciplinskog tužioca za postupanje po disciplinskim prijavama i pokretanje disciplinskog postupka protiv službenika i namještenika u pravosuđu Brčko distrikta BiH broj SuPK-00-423/23-I od 28.02.2023. godine

na način da se u članu I tačka 1. mijenja i glasi:

„1. Rade Mitrović, sekreta Pravosudne komisije Brčko distrikta BiH, disciplinski tužilac.“

7. Nominacija člana i zamjenskog člana ispred Pravosudne komisije u svrhu pripreme Odluke o imenovanju Radne grupe na nivou Brčko distrikta BiH, s ciljem postizanja boljeg kvaliteta i veće učinkovitosti u prevenciji, pomoći, zaštiti i postupanju u slučaju društveno neprihvatljivih oblika ponašanja maloljetnika u zajednici

Nakon obrazloženja i provedene diskusije, konstatuje se da je Komisija jednoglasno nominovala Sanju Ević, sudiju Osnovnog suda Brčko distrikta BiH, za člana Radne grupe, a Gordanu Radovanović, tužiteljicu Tužilaštva Brčko distrikta BiH, za zamjenskog člana Radne grupe ispred Pravosudne komisije u svrhu pripreme Odluke o imenovanju Radne grupe na nivou Brčko distrikta BiH, s ciljem postizanja boljeg kvaliteta i veće učinkovitosti u prevenciji, pomoći, zaštiti i postupanju u slučaju društveno neprihvatljivih oblika ponašanja maloljetnika u zajednici.

8. Verifikacija nominacije članova u RG za uspostavu registra stvarnih vlasnika u Brčko distriktu BiH

Nakon obrazloženja, konstatuje se da je Komisija jednoglasno verificovala dopis Pravosudne komisije Brčko distrikta BiH, broj: SuPK-00-740/24-II od 22.04.2024. godine, kojim se za nominaciju članova u Radnoj grupi za uspostavu registra stvarnih vlasnika u Brčko distriktu BiH, ispred Pravosudne komisije Brčko distrikta BiH predlažu, Rade Mitrović, sekretar Pravosudne komisije Brčko distrikta BiH, član, i Merima Mujkić, stručni saradnik za pravne poslove i evropske integracije u Pravosuđnoj komisiji Brčko distrikta BiH, zamjenski član.

9. Molba Radne grupe za produženje roka za izradu prijedloga Zakona o izmjenama i dopunama Zakona o Pravobranilaštvu

Nakon obrazloženja i provedene diskusije, konstatuje se da je Komisija jednoglasno donijela zaključak da se udovolji molbi Radne grupe za izradu prijedloga Zakona o izmjenama i dopunama Zakona o Pravobranilaštvu za produženje roka od 2 (dva) mjeseca.

10. Razmatranje radno pravnog statusa Milana Stokića i Semrine Hasanović, referenata-operatera-asistenata u Osnovnom sudu Brčko distrikta BiH

U uvodnom izlaganju sekretar Komisije je ponovio povod razmatranja radno pravnog statusa službenika Milana Stokića i Semrine Hasanović, referenat-operater-asistenati u Osnovnom sudu Brčko distrikta BiH, te da je ova tačka bila predmet analize na prošloj sjednici.

U međuvremenu, pomenuti službenici su dostavili Uvjerenja o položenom stručnom ispitu za rad u organima javne uprave, te je Komisija jednoglasno donijela zaključak da pomenuti službenici ostaju zaposlenici pravosuđa i da se nadležni organi u institucijama nadziru obaveze službenika kako ne bi došlo do ponavljanja ovakvih situacija.

11. Usvajanje izvještaja o realizovanoj edukaciji na temu „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH“ i donošenje odluke o isplati naknade za održanu edukaciju edukatoru

Nakon obrazloženja i provedene diskusije, konstatuje se da je Izvještaj o realizovanoj edukaciji na navedenu temu jednoglasno usvojen te da Komisija jednoglasno donosi

Odluku

kojom nalaže finansijskoj službi Pravosudne komisije Brčko distrikta BiH da na ime naknade za izvršenu edukaciju na temu „Primjena Evropske konvencije o zaštiti ljudskih prava i osnovnih sloboda u radu Apelacionog suda Brčko distrikta BiH“, održanu dana 29.04.2024. godine u Brčkom, edukatoru dr. sc. Robertu Joviću, sudiji Apelacionog suda u Brčko distriktu BiH, isplati iznos od 620,42 KM na ime izvršene edukacije.

12. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja, Komisija je jednoglasno donijela sljedeću

odluku o raspisivanju

Javnog konkursa za popunjavanje upražnjenih radnih mjesta u pravosuđu Brčko distrikta BiH

1. Kurir u Osnovnom sudu Brčko distrikta BiH
(na neodređeno vrijeme) 1 (jedan) izvršilac,
2. Higijeničar u Pravosudnoj komisiji Brčko distrikta BiH
(na određeno vrijeme, radi zamjene odsutnog službenika, ali ne duže od dvije godine)
..... 1 (jedan) izvršilac.

Prijave na konkurs podnose se od 15.05.2024. godine do 29.05.2024. godine.

13. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-674/24-I od 05.04.2024. godine

Nakon obrazloženja i provedene diskusije, Komisija je jednoglasno donijela sljedeću

Odluku

o imenovanju komisija za zapošljavanje po javnom konkursu broj: SuPK-01-674/24-I od 05.04.2024. godine

I Imenuje se Komisija za zapošljavanje sekretara Pravobranilaštva Brčko distrikta BiH (na određeno vrijeme-mandat od četiri godine), u sastavu tri člana Pravosudne komisije BD BiH:

1. Dejan Đurović, predsjednik,
2. Zekerija Mujkanović, član i
3. Dragan Tomaš, član.

II Imenuje se Komisija za zapošljavanje stručnog saradnika za poslove upravljanja privremeno oduzetom imovinom u Pravosudnoj komisiji Brčko distrikta BiH (na određeno vrijeme, radi zamjene odsutnog službenika, ali ne duže od dvije godine), u sastavu tri člana Pravosudne komisije BD BiH:

1. Safet Pizović, predsjednik,
2. Dragan Tomaš, član i
3. Dejan Đurović, član.

III Imenuje se Komisija za zapošljavanje šefa administracije u Kancelariji za pravnu pomoć Brčko distrikta BiH (na neodređeno vrijeme), u sastavu tri člana:

1. Safet Pizović, predsjednik,
2. Dragana Vuković, član i
3. Vanja Krndelj, član.

IV Imenuje se Komisija za zapošljavanje referenta-operatora-asistenta u Osnovnom sudu Brčko distrikta BiH (na neodređeno vrijeme), u sastavu tri člana:

1. Zoran Rakanović, predsjednik,
2. Mirela Azapović, član i
3. Smajila Kikić, član.

14. Donošenje odluke o imenovanju sudskog policajca u Sudskoj policiji Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku

Na radno mjesto „sudski policajac“ u Sudskoj policiji Brčko distrikta BiH, imenuje se Vasilije Jović, sin Mihajla, iz Brčkog.

Imenovani je dužan stupiti na rad dana 20.05.2024. godine, a stupanjem na rad zasniva radni odnos na neodređeno vrijeme u Sudskoj policiji Brčko distrikta BiH.

Za službenika sudske policije u činu sudskog policajca u Sudskoj policiji Brčko distrikta BiH, utvrđuje se osnovna mjesečna plata u iznosu od 1.224,88 KM.

15. Donošenje odluke o imenovanju operatera asistenta u Tužilaštvu Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku

Na radno mjesto „operater-asistent“ u Tužilaštvu Brčko distrikta BiH, imenuje se Alma Zlatić, kći Numana, iz Brčkog.

Imenovana je dužna stupiti na rad dana 15.05.2024. godine, a stupanjem na rad zasniva radni odnos na neodređeno vrijeme u Tužilaštvu Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,543321, osnovna plata u iznosu od 1.134,34 KM.

16. Donošenje odluke o imenovanju arhivara – operatera u Kancelariji za pravnu pomoć Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku

Na radno mjesto „arhivar-operater“ u Kancelariji za pravnu pomoć Brčko distrikta BiH, imenuje se Elvira Pekić-Cvolić, kći Osmana, iz Brčkog.

Imenovana je dužna stupiti na rad dana 03.06.2024. godine, a stupanjem na rad zasniva radni odnos na neodređeno vrijeme u Kancelariji za pravnu pomoć Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,543321, osnovna plata u iznosu od 1.134,34 KM.

17. Donošenje odluke o imenovanju pripravnika u Kancelariji za pravnu pomoć Brčko distrikta BiH

Konstatuje se da je Pravosudna komisija jednoglasno donijela odluku o zaključenju ugovora o obavljanju pripravničkog staža na određeno vrijeme sa punim radnim vremenom između poslodavca Pravosudne komisije Brčko distrikta BiH i pripravnika Milane Torlaković, iz Brčkog.

Ugovor o obavljanju pripravničkog staža zaključuje se na određeno vrijeme, odnosno do sticanja uslova za polaganje pravosudnog ispita, i traje počev od 15.05.2024. godine pa do 01.12.2024. godine.

18. Donošenje rješenja o raskidu ugovora o volonterskom radu sa Milanom Torlaković, volonterom u Osnovnom sudu

Nakon obrazloženja, konstatuje se da je Komisija jednoglasno donijela sljedeće

Rješenje

Raskida se ugovor o volonterskom radu, zaključen između Milane Torlaković, volontera u Osnovnom sudu Brčko distrikta BiH i Pravosudne komisije Brčko distrikta BiH, pod brojem: SuPK-01-1822/23-I od 27.11.2023. godine, zbog imenovanja na drugu dužnost.

Ugovor se raskida zaključno sa danom 14.05.2024. godine.

19. Verifikacija Javnog poziva, broj: SuPK-06-601/24-II od 12.04.2024. godine

Nakon obrazloženja i provedene diskusije, konstatuje se da je Komisija jednoglasno verificovala Javni poziv poslodavcima za zaključivanje ugovora za rad za opšte dobro na slobodi u Brčko Distriktu BiH, broj: SuPK-06-601/24-II od 12.04.2024. godine.

20. Verifikacija rješenja o prestanku radnog odnosa Mirsadu Fazliću, kuriru u Osnovnom sudu Brčko distrikta BiH

Nakon obrazloženja, konstatuje se da je Komisija jednoglasno verificovala rješenje o prestanku radnog odnosa Mirsadu Fazliću, kuriru u Osnovnom sudu Brčko distrikta BiH, broj: SuPK-01-771/24-I od 15.04.2024. godine.

21. Informacija o prijavama na Javni poziv, broj: SuPK-06-601/24-II od 12.04.2024. godine

Nakon obrazloženja, konstatuje se da je Komisija informaciju primila k znanju, te je na prijedlog Dejana Đurovića, pravobranioca i potpredsjednika Komisije, usaglašeno da se o Javnom pozivu poslodavcima za zaključivanje ugovora za rad za opšte dobro na slobodi u Brčko Distriktu BiH informiše i javnost.

22. Molba za pomilovanje Ć. D.

Nakon obrazloženja, konstatuje se da Komisija jednoglasno donosi zaključak da se gradonačelnik Brčko distrikta BiH, kao i podnosilac molbe za pomilovanje Ć. D., obavjeste da je molba za pomilovanje preuranjena.

23. Molba za pomilovanje E. Č.

Nakon obrazloženja i provedene diskusije, konstatuje se da Komisija jednoglasno daje prijedlog gradonačelniku Brčko distrikta BiH da se osuđeni E. Č. pomiluje smanjenjem kazne zatvora za 6 (šest) mjeseci.

24. Usvajanje zaključnog izvještaja o obavljenom radu za opšte dobro na slobodi osuđenog A. DŽ.

Konstatuje se da je Komisija jednoglasno usvojila zaključni izvještaj o obavljenom radu za opšte dobro na slobodi za osuđenog A. DŽ.

25. Davanje saglasnosti o vrsti i visini nagrade u odluci o nagrađivanju službenika i namještenika u Pravosudnoj komisiji Brčko distrikta BiH

Nakon obrazloženja i provedene diskusije, konstatuje se da je Komisija jednoglasno donijela zaključak i skinula predmetnu tačku sa dnevnog reda, uz napomenu da se za narednu sjednicu pripremi obrazloženje uz odluku o nagrađivanju službenika i namještenika u Pravosudnoj komisiji BD BiH, koji su navedeni na odluci u članu 1. po osnovu posebnih zalaganja i rezultata u radu.

26. Razno

Konstatuje se da je 257. redovna sjednica Komisije završena u 10,17 sati.

Zapisničar:
Nataša Kovač

Predsjednik
Pravosudne komisije

Safet Pizović